

Z A P I S N I K

sa VIII sjednice Vijeća Univerziteta u Sarajevu - Građevinski fakultet, održane dana 16.06.2022. godine, sa početkom u 14.00 sati, u sali 8 nastavne zgrade Fakulteta, ul. Patriotske lige br. 30.

PRISUTNI ČLANOVI:

Nastavnici i saradnici:

Prof.dr. Mustafa Hrasnica, Prof.dr. Esad Mešić, Prof.dr. Samir Dolarević, Prof.dr. Emina Hadžić, Prof.dr. Đenari Čerimagić, Prof.dr. Amra Serdarević, Prof.dr. Medžida Mulić, Prof.dr. Sanjin Albinović, Prof.dr. Nedim Tuno, Prof.dr. Emil Ilić-Georgijević, Prof.dr. Mirza Pozder, Prof.dr. Goran Simonović, Prof.dr. Jusuf Topoljak, Prof.dr. Suada Sulejmanović, Doc.dr. Esad Vrce, Doc.dr. Hata Milišić, Doc.dr. Džanina Omićević, Doc.dr. Senad Medić, Doc.dr. Adis Skejić, Doc.dr. Žanesa Ljevo, Doc.dr. Ismar Imamović, Doc.dr. Anis Balić, Doc.dr. Emir Karavelić, Doc.dr. Ammar Šarić, Doc.dr. Dževad Krdžalić, Doc.dr. Nerma Lazović, Viši asistent Damir Hasanspahić (Mat.), Viši asistent Nedim Kulo (G), Asistent Samir Suljević (K), Asistent Muamer Đidelija (G), Viši asistent Mladen Kapor (Geot. i geol.), Asistent Amila Mujćinović (Geot. i geol.)

Studenti: Zana Kadić i Adelisa Subašić,

Ostali prisutni: Sabina Bajrić, sekretar fakulteta

ODSUTNI ČLANOVI:

Nastavnici i saradnici:

Prof.dr. Adnan Ibrahimbegović, Prof.dr. Azra Kurtović, Prof.dr. Admir Mulahusić, Prof.dr. Suvada Šuvalija, Prof.dr. Naida Ademović Doc.dr. Emina Hadžalić, Doc.dr. Emina Hajdo, Doc.dr. Haris Kalajdžisalihović, Doc.dr. Alma Džubur, Asistent Dževad Imamović (H).

Studenti: Amina Krivić

Na prijedlog dekana dopunjen je i usvojen sljedeći:

D N E V N I R E D:

1. Izbor dekana (rukovodioca organizacione jedinice) Univerziteta u Sarajevu - Građevinski fakultet za mandatni period 2022.-2026.godine po Javnom konkursu za izbor dekana (rukovodioca organizacione jedinice) Univerziteta u Sarajevu - Građevinski fakultet od 19.05.2022.godine.
 - a) Davanje ovlaštenja članu Vijeća za predsjedavanje VIII sjednicom Vijeća Univerziteta u Sarajevu – Građevinski fakultet;
 - b) Usvajanje Izvještaja Komisije za provođenje procedure izbora dekana Univerziteta u Sarajevu – Građevinski fakultet za mandatni period 2022-2026. godine, broj: 03-2-825-3/22 od 09.06.2022. godine
 - c) Imenovanje Komisije za provođenje procedure glasanja za izbor dekana Univerziteta u Sarajevu - Građevinski fakultet za mandatni period 2022-2026. godine
 - d) Usvajanje procedure provođenja glasanja za izbor dekana Univerziteta u Sarajevu – Građevinski fakultet za mandatni period 2022-2026. godine
 - e) Usmena prezentacija programa rada kandidata za izbor dekana Univerziteta u Sarajevu – Građevinski fakultet za mandatni period 2022-2026. godine
 - f) Glasanje za izbor dekana Univerziteta u Sarajevu – Građevinski fakultet za mandatni period 2022-2026. godine
 - g) Izvještaj Komisije za provođenje procedure glasanja za izbor dekana Univerziteta u Sarajevu – Građevinski fakultet za mandatni period 2022-2026. godine, objavljivanje rezultata glasanja i izbor dekana Univerziteta u Sarajevu – Građevinski fakultet za mandatni period 2022-2026. godine

- h) Davanje ovlaštenja članu Vijeća za potpisivanje Odluke o izboru dekana Univerziteta u Sarajevu – Građevinski fakultet za mandatni period 2022-2026. godine

Ad/I

- a) Dekan Univerziteta u Sarajevu – Građevinski fakultet je otvorio VIII redovnu sjednicu, te pozvao Vijeće, da s obzirom na Dnevni red i činjenicu da se prijavio na Javni konkurs za izbor dekana (rukovodioca organizacione jedinice) Univerziteta u Sarajevu - Građevinski fakultet od 19.05.2022.godine, da imenuje člana Vijeća da predsjedava sjednicom.
Vijeće je jednoglasno donijelo

O V L A Š T E N J E

Ovlašćuje se prof. dr. Amra Serdarević, dipl.ing.građ., član Vijeća Univerziteta u Sarajevu– Građevinski fakultet da predsjedava VIII sjednicom Vijeća Univerziteta u Sarajevu – Građevinski fakultet, koja se održava dana 16.06.2022.godine.

- b) Vijeće je upoznato sa Izvještajem Komisije za provođenje procedure izbora dekana Univerziteta u Sarajevu – Građevinski fakultet za mandatni period 2022-2026. godine, broj: 03-2-825-3/22 od 09.06.2022. godine, te je na poziv predsjedavajuće sjednicom jednoglasno donijelo

O D L U K U

Usvaja se Izvještaj Komisije za provođenje procedure izbora dekana Univerziteta u Sarajevu – Građevinski fakultet za mandatni period 2022-2026. godine, broj: 03-2-825-3/22 od 09.06.2022. godine.

- c) U skladu sa procedurom izbora dekana I usvojenim dnevnim redom Vijeće je donijelo sljedeću

O D L U K U

I

Imenuje se Komisija za provođenje procedure glasanja za izbor dekana Univerziteta u Sarajevu – Građevinski fakultet za mandatni period 2022-2026. godine, u sljedećem sastavu:

- 1.) Prof. dr. Mustafa Hrasnica, dipl.ing.građ., predsjednik
- 2.) Prof. dr. Medžida Mulić, član
- 3.) Prof. dr. Mirza Pozder, član

II

Zadatak Komisije je da provede i nadgleda cjelokupnu proceduru glasanja, a posebno provjeri da je glasački materijal ispravan (birački spiskovi, glasačka kutija i glasački listići) i o tome, po okončanju postupka, izvjesti Vijeće i objavi rezultate glasanja.

- d) Na prijedlog predsjedavajuće sjednice, Vijeće se izjasnilo, te jednoglasno donijelo utvrdilo sljedeću:

**PROCEDURU PROVOĐENJA GLASANJA
za izbor dekana Univerziteta u Sarajevu – Građevinski fakultet
za mandatni period 2022-2026. godine**

1. Zapisnički se utvrđuje broj prisutnih članova Vijeća Univerziteta u Sarajevu – Građevinski fakultet;
2. Dozvoljeno vrijeme za prezentaciju programa rada kandidata ne može biti duže od 20 minuta;
3. Po okončanju prezentacije kandidata za dekana, a u vezi sa izloženim programima rada, članovi Vijeća mogu da postavljaju pitanja (ukupno 10 minuta);
4. Komisija za provođenje procedure glasanja za izbor dekana Univerziteta u Sarajevu – Građevinski fakultet obavezna je obezbijediti sve potrebne uvjete za tajno glasanje;

5. Tajno glasanje se provodi putem ovjerenih glasačkih listića, odštampanih u istom broju za svaki krug glasanja, a koji predstavlja ukupan broj članova Vijeća Univerziteta u Sarajevu – Građevinski fakultet;
 6. Za provođenje procedure tajnog glasanja obezbijeđena je glasačka kutija, koja će biti postavljena u prostoru odvojenom za tajno glasanje;
 7. Važećim listićem smatrat će se samo onaj listić na kojem je zaokruženo izjašnjavanje „ZA“ ili „PROTIV“ izbora kandidata za dekana Univerziteta u Sarajevu–Građevinski fakultet;
 8. Nakon izvršenog glasanja, glasački listić se ubacuje u glasačku kutiju;
 9. Nakon završene procedure glasanja, Komisija za provođenje procedure glasanja odmah pred članovima Vijeća Univerziteta u Sarajevu–Građevinski fakultet vrši otvaranje glasačke kutije i prebrojava glasačke listiće i utvrđuje rezultate glasanja;
 10. Za dekana je izabran kandidat ukoliko u proceduri glasanja dobije većinu glasova od ukupnog broja članova Vijeća Univerziteta u Sarajevu–Građevinski fakultet;
 11. Ukoliko nakon obavljenog glasanja prijavljeni kandidat ne dobije potrebnu većinu glasova, glasanje se ponavlja još jednom;
 12. Ukoliko u ponovljenom glasanju kandidat ne dobije potrebnu većinu glasova, cjelokupni izborni postupak se ponavlja;
 13. Nakon donesene odluke o izboru dekana Vijeće Univerziteta u Sarajevu–Građevinski fakultet istu dostavlja rektoru Univerziteta u Sarajevu kao i prijedlog rješenja o imenovanju dekana Univerziteta u Sarajevu–Građevinski fakultet.
 14. Rektor je dužan potpisati rješenje o imenovanju i isto proslijediti Univerzitetu u Sarajevu–Građevinski fakultet, najkasnije sedam dana od datuma prijema prijedloga rješenja na potpis.
- e) Na poziv predsjedavajuće prijavljeni kandidat za izbor dekana Univerziteta u Sarajevu – Građevinski fakultet, prof.dr. Samir Dolarević je Vijeću prezentirao programa rada za mandatni period 2022-2026. godine.
- Imenovani se osvrnuo na rad u tekućem mandatu, posljedice pandemije na nastavu - on line nastava, realizaciju nastave, integraciju Univerziteta u Sarajevu, prijedlog Zakona o visokom obrazovanju, uvođenje smjera geotehnike na studijskom programu građevinarstva, početak revizije plana i programa III ciklusa studija, smanjenje cijene doktorskog studija kao podrška studentima da se usavršavaju, na smanjen broj studenata značajne naučne i stručne projekte akademskog osoblja, saradnju sa drugim fakultetima van BiH. Istakao je da se većina materijalnih troškova, nabavki robe i usluga, kao i opreme finansira iz vlastitih sredstava, koja najvećim dijelom obezbjeđuje Institut za materijale i konstrukcije, dio Institut za geotehniku i geološko inženjerstvo, dok se ostali instituti moraju više aktivirati na projektima. Naveo je da su svi odsjeci nabavili neku stručnu i profesionalnu opremu, što se finansiralo iz vlastitih sredstava, ostvarenih prihodima iz stručnih projekata, naknadama za doktorski studij i prihodima od zakupnine za iznajmljene poslovne prostore. Uz velike teškoće oko javnih nabavki, Komisija za javne nabavke uglavnom uspjeva podmiriti sve tekuće potrebe. Napominje da je zgrada Instituta za geotehniku i geološko inženjerstvo renovirana, u toku su radovi na zgradi Instituta za materijale i konstrukcije, fasada na zgradi fakulteta je urađena uz sufinansiranje UNDP-a, u toku su pripreme za uređenje parka oko zgrade.
- Osvrnuvši se na zapošljavanje, ističe potrebu zapošljavanja kvalitetnih, stručnih osoba, u dugogodišnjem nedostatku šefa računovodstva ističe potrebu imenovanja prodekana za finansije. Apeluje na rad odsjeka u pogledu sagledavanja problema i rješavanja istih na način da donose odluke koje mogu biti potvrđene od Vijeća fakulteta.
- Članovi Vijeća su kandidatu u predviđenom vremenu postavljali pitanja o mogućnosti imenovanja i prodekana za naučnoistraživački rad, organizovanja stručnih kurseva u saradnji sa Asocijacijom studenata, mogućnosti cjeloživotnog učenja, prostornih i kadrovskih resursa za realizaciju istog.
- f) Komisija za provođenje procedure glasanja za izbor dekana Univerziteta u Sarajevu – Građevinski fakultet je utvrdila da je glasački materijal ispravan (birački spiskovi, glasačka

kutija i glasački listići), da su ispunjeni svi uslovi za tajno glasanje, te je pozvala članove Vijeća da pristupe tajnom glasanju.

- g) Po završetku tajnog glasanja Komisija za provođenje procedure glasanja za izbor dekana Univerziteta u Sarajevu – Građevinski fakultet je podnijela Vijeću Izvještaj o provođenje procedure glasanja za izbor dekana Univerziteta u Sarajevu – Građevinski fakultet, sa detaljnim rezultatima tajnog glasanja, konstatovalo da je u potpunosti izvršena procedura tajnog glasanja, predložila Vijeću Univerziteta u Sarajevu – Građevinski fakultet usvajanje Izvještaja i donošenje odluke u skladu sa utvrđenim rezultatima tajnog glasanja. Vijeće je usvojilo Izvještaj o provođenje procedure glasanja za izbor dekana Univerziteta u Sarajevu – Građevinski fakultet, a prema rezultatima tajnog glasanja potvrdilo da je većina od ukupnog broja članova Vijeća Univerziteta u Sarajevu – Građevinski fakulteta, glasala da se za dekana (rukovodioca organizacione jedinice) Univerziteta u Sarajevu – Građevinski fakultet izabere prof.dr.Samir Dolarević, dipl.ing.građ., redovni profesor Univerziteta u Sarajevu – Građevinski fakultet, za mandatni period od 2022.-2026. Godine.

U skladu sa naprijed navedenim, Vijeće je jednoglasno donijelo

ODLUKU

o izboru dekana (rukovodioca organizacione jedinice)
Univerziteta u Sarajevu - Građevinski fakultet za mandatni period 2022.-2026 godine

I

Prof.dr.Samir Dolarević, dipl.ing.građ., redovni profesor u radnom odnosu sa punim radnim vremenom na Univerzitetu u Sarajevu – Građevinski fakultet, izabran je za dekana (rukovodioca organizacione jedinice) Univerziteta u Sarajevu - Građevinski fakultet, za mandatni period u trajanju od četiri (4) godine, od 2022.-2026. godine, koji počinje teći od 01.10.2022. godine.

II

Prije preuzimanja dužnosti dekana (rukovodioca organizacione jedinice), izabrani dekan (rukovodilac organizacione jedinice) je obavezan potpisati izjavu o prihvatanju dužnosti dekana (rukovodioca organizacione jedinice) Univerziteta u Sarajevu – Građevinski fakultet.

III

Odluka stupa na snagu danom donošenja i dostavit će se RektorU Univerziteta u Sarajevu na dalju procedure i donošenje Rješenja o imenovanju.

- h) Imajući u vidu da je za dekana Univerziteta u Sarajevu – Građevinski fakultet za mandatni period 2022-2026. godine, izabran dekan prof.dr. Samir Dolarević, dipl.ing.građ., čiji mandat još traje, predsjedavajuća Vijeća je predložila, a Vijeće jednoglasno donijelo

O V L A Š T E N J E

Ovlašćuje se prof. dr. Amra Serdarević, dipl.ing.građ., član Vijeća Univerziteta u Sarajevu – Građevinski fakultet da potpiše Odluku o izboru dekana Univerziteta u Sarajevu–Građevinski fakultet, za mandatni period 2022.-2026. godine.

Sjednica Vijeća završena u 15.20 sati.

Zapisnik vodila:
Sabina Bajrić, dipl. pravnik

Sabina Bajrić

Broj: 02-1-825-19/22
Datum: 16.06.2022.

Predsjedavajuća
sjednice Vijeća Univerziteta u Sarajevu - Građevinski fakultet
Prof.dr. Amra Serdarević, dipl.ing.građ.

Amra Serdarević

